



604





1334

S 355.

Die Ausg. 00
Ha



FREDERICI RUY SCHII

Anatomiae & Botanices Professoris

THE SAURUS
ANATOMICUS
PRIMUS.

Cum Figuris æneis.



AMSTELODAMI,

Apud J ANSSONIO-WAESBERGIOS.

M. D. C. C. XXI.



БЕРЕГИ РУССКИ

Домашній Правилник

ЗУЯВА ГАНТ

СУДОМОСТНА

СУМГЯЧ

Домашній Правилник



ІМАГОЛІСНА

СОЛНЦЕВІДАНИЙ СОНЧАЛЬНИК

СОЛНЦЕВІДАНИЙ СОНЧАЛЬНИК

AD LECTOREM.

ANNUS jam agitur trigesimus sextus, postquam Auctores Anatomicos perlegere incepi. Cum autem plurima in illis offendirem, quæ mihi obscura viderentur, neque per figuræ satis accurate depicta; cultrum Anatomicum ipse met arripui, eique varia, non solum humana, verum etiam brutorum cadavera subjeci, ne equorum quidem & boum parcendo, quo minutæ luculentius in oculos incurrerent.

Cum interim varia carnosæ, iisque molliora (uti cerebrum &c.) occurrerent, quæ conservatū digna videbantur, conservandi ars summopere animum meum defatigavit. Et jam mihi videbar conservandi methodum invenisse laudabilem, cum tamen opinio brevi post me fecellit. Tunc denuò alia via rem aggrediebar, quæ cum & ipsa pariter me deluderet, torsi animum per plurimos annos, donec tandem eam inveni artem, qua, ut opinor, patebit, non solum partes carnosas, verùm etiam Cerebrum, imò integra cadavera, omnibus visceribus instructa, per plura secula, & forte perpetuò incorrupta conservari posse.

Sunt mihi parvula cadavera, à viginti annis balsamo munita, quæ tam nitidè sunt conservata, ut potius dormire videantur, quam exanimata esse corpuscula.

Interim ab eo tempore, quo operam posui in sectionibus cadaverum, varia vasa, sc. Arterias, Venas, Lymphæ-ductus, Nervos, variaque partes, corruptioni mi-

MET
AD L E C T O R E M.

nus subjectas, conservare mihi haud difficile fuit. Et sic temporis successu, in tantam excrevit molem messis isthæc, ut integrum conclave eam recipere haud potuerit; & sic alterum, & tandem tertium, mihi assumere coactus fuerim, pro repositione rerum Anatomiarum.

Quia autem continuè Anatomica tractare taedii plenum fuisset, interpolatis vicibus, animum quoque à juventute mea appuli ad studium Botanicum, plantasque tam indigenas, quam exoticas, non sine magno labore, tanto numero collegi & nitide conservavi, ut parvo quoque ad eas indigerem conclavi. Ne quidem hisce animalium satiare potui, quare ulterius eum alere coactus fui perscrutinio exoticorum Animalium, Piscium, Insectorum, &c. tam Balsamico liquori innatantium, quam exsiccatorum, quibus jam quoque integrum replevi conclave.

Hisce (favente Numine Divino) peractis, hac gravitate, aliâ incedere viâ, quietioreisque horulam quaerere mihi animus est; ut Deo Ter Opt. Max. gratias agere queam, pro summo in me collato favore; quod mihi tantum temporis concederit, ut hæc omnia perficere potuerim.

Interim petitioni nonnullorum satisfactus, Coronidis loco, Catalogum omnium eorum, quæ in Museo nostro reperiuntur, perlittere publici juris faciam, si Deo Ter Opt. Max. largiorem permittere mihi placuerit vitam.

Quamvis autem paryi momenti esset, integrum Catalogum

A D L E C T O R E M.

atalogum una vice in lucem edere , satius tamen fore duxi , per partes illud præstare , incipiendo ab iis , quæ in conclavi inferiori reposita sunt.

In eo conspiciebantur se exhibent duo Thesauri ex ligno Indico confecti ; in secundo quatuor majores , ut & Theculæ plurimæ mediocres & parvæ , quarum

1. Referta est cordibus humanis.
2. Partibus è Pulmone desumptis , ut & integris Pulmonibus & Cordibus , situ naturali observato.
3. Continet partes generationi inservientes è muliere.
4. Varia Intestina Puerorum nitidissimè conservata.
5. Turbam sceletorum multorum Murium , Gliris sceleto insultantium : suntque nitidissimè prædicta sceleta confecta.
6. Placentas Uterinas , & similia. Præterea in dicto loco 4. Thecæ majores reperiuntur ex eodem ligno Indico confectæ , sceleta Juvenum nitida conti- nentes.

Tertium conclave recipit cenataphium , sceletis Puerorum instruictum , ut & Thesauros majores octo , in quibus reposita sunt varia Anatomica , nec non varia cadavera juvenum nitidissime à plurimis annis conser- vata.

Primo jam in lucem edere , quæ in Thesauro primo conclave primi reposita sunt , mihi animus est , eo consilio , ut singula objecta , & quicquid in iis videri potest , recenseam.

AD LECTOREM.

Quæ autem mihi nova sunt, ut & ea, quæ minus rectè ab aliis sunt delineata, per figuræ illustrabo, & sic singuli Thesauri proprio gaudebunt Catalogo, figuris aliquot instructo.

Hujus rei fructus in eo constabit. Nemini unquam omnia mea rariora conspicere licuit, idque propter illorum copiam & temporis penuriam: mihi quoque impossibile est omnia memoriarum mearum mandare, sc. quo in loco hoc aut illud repositum sit, id quod non rarò mihi taedio fuit.

Confect autem Catalogo, illicò invenire potero, ubinam hoc aut illud objectum sit repositum. si quis etiam Catalogum perlegerit, & aliquid in eo invenierit, quod libenter videret, illi momento satisfieri poterit. Alii delectantur visu hujus objecti, aliis alia magis arrident; & sic omnibus satisfacere conabor, sine notabili temporis dispendio.

Praeterea si quis dubitet, num verè ita existant ea, quæ sunt à me delineata, aut demonstrata, dabitur illi occasio videndi, quod non fecere alii Anatomici, quos inter nonnulli innumeratas nobis obtruserunt Chimeras, à veritate non solum alienas, sed in corpore humano nequaquam existentes.

Vale L. B., & laboribus meis, non sine maximo sumtu peractis, fave.

THE



THE SAURUS ANATOMICUS

P R I M U S:

Ex ligno Indico colore variegato nitide confectus, in quo sequentia sunt reposita.

DRIMÒ nobis occurrit in fundo lævi lateris Pedamentum ex ligno Juglandis confectum, cui imposita est Rupes artificiosa, ex calculis humanis constans, cuius fundamentum rupes naturalis, tot calculis humanis undique obsita, ut quicquid oculis fese offert, sint meri calculi humani. Vide Tab. I.

Hi ex variis corporis partibus dēsumpti, diversi sunt coloris, figuræ, magnitudinis & substantiæ. Inter quos

A. A. A. Calculi sunt parvi humani per vias urinarias excreti, quibus Rupes naturalis tegitur, eo præsertim loco, ubi majores calculi rupem obscurare non valent.

B. Calculus humanus Vesicā, post mortem, à nobis exsectus, formā manubrii scipionis, quo in eundo innitimus.

C. Calculus à Lithotomo extractus, figurā fructum Mori imitans.

D. D. Calculi è Vesica urinaria Octogenarie exsecti, cuius historia admiranda exstat in observationibus meis Anatomico-Chirurgicis A. 1691. in lucem editis. Vide Observ. primam. Aegra à viginti annis passa fuerat totius uteri propendentiam, & simul cum illa, Vesicæ urinariæ prolapsum, ita ut Uterum totum cum annexa vesica manibus arriperemus, & palpitando calculos latitare in partibus prolapsis haud dubitaremus. nec falsi sumus. Facta enim incisione, illicò extraximus momento

tem-

8 THESAURUS ANATOMICUS.

temporis calculos quadraginta & duos, quorum forma admiranda in angulis hujus rupis videri potest. Qua methodo inaudita citè fuerit curata, in prædicta observatione videri potest.

E. Calculus è Vesca Urinaria à Lithotomo extractus.

E. Alius eodem modo eductus.

G. Calculus niger è Pelvi post fata excisus, Zingiberis forma.

H. Alius ex Pelvi, scintillante nigredine obsitus, id quod pluries observatur in calculis illo loco repertis.

I. Alius è faucibus tussi ejectus, postquam aeger per plures annos questus fuerat de difficultate deglutiendi.

K. K. Duo calculi per tussim ejecti è Pulmone.

L. L. Duo calculi insignes, Rupes per se mentientes, iisque è Vetulæ Mamma post mortem exsecti.

M. Calculus pullus Lithotomi ope extractus, cortice griseo, crassissimo, duroque obsitus.

N. Calculi parvi è digitii articulis mulieris podagræ. bi à pilo dependentes, retinentur dextra scelenti fætus humani quatuor præter propter mensum, huic rupi adstantis. Dictum skeleton sinistra continet & veluti admovet oculis strophiolum, è membranula tenuissima, myriadibus arteriolarum rubicundissimarum præedita, quo, tanquam flendo, hominum miseras exprimens, Cœlum respicere videtur cum inscriptione

HOMO NATUS DE MULIERE, BREVI VIVENS TEMPORE,
REPLETUR MULTIS MISERIIS.

O. Calculus prodigiose magnitudinis, Rupis æmulus, post mortem inter defuncti crura, in arca ferali repertus.

P. — Vesca exsectus.

Q. — Alius, major.

R. — Magnus formâ Zingiberis, Pelvi adhuc inhærens.

S. — Magnus, Lithotomi manu ablatus, cuius cortex griseus.

T. — Asperimus, ater, exsectus.

V. Calculi varii nigricantes, post fata è renibus exsecti.

W. Calculus Ureteri inclusus, unde uretere obstruēto, vitam cum morte commutavit puella, quatuor circiter annos nata. Quantos autem cruciatus passa fuerit, antequam animam Deo redderet, sine animi motu recordari nequeo.

X. X. X.



THESAURUS ANATOMICUS.

9

X. X. X. Calculi è Vesica fellea, post mortem exsecuti.

Cæteri omnes aut per vias Urinarias sunt excreti, aut post mortem Vesicâ, aut Renibus exempti.

Hisce omnibus interpositi sunt rami arteriosi, foliis nudatæ arboris ramos repræsentantes, qui loco sanguinis cereâ materiâ rubicundissimâ artificiosè repleti, calculos inter se continent, Rupem dictam firmiorem reddunt, visuque gratiam conciliant. Dicti rami arteriosi desumpti sunt ex variis corporis partibus, idque non solùm è corporibus hominum, verùm etiam brutorum.

Huic Rupi adstant tria Sceleta foetuum abortivorum quatuor circiter mensum; de quorum primo superius mentio facta est.

Secundum è regione situm dextra falcam gerit, ictumque quasi minatur, cum inscriptione

N E C P A R C I T I M B E L L I S J U V E N T A E P O P L I T I B U S.

In superiore parte Rupis tertium sceleton locatum, ejusdem fere ætatis, dextra gerens funiculum ex margaritis puris exilibus confectum, quem indice sinistræ manus videtur indigitare. caput sursum erectum est, quasi coelum adspicere vellet, cum hac inscriptione

C U R E A D I L I G E R E V E L I M , Q U A E S U N T I N M U N D O ?

E Regione hujus Rupis Pedamentum secundum è ligno Juglandis factum, Asperisque Arteriis non solùm humanis, verùm etiam vitulinis instructum. Hujus pedamenti medium occupat pedamentum alterum, ex eodem ligno confectum, cui insident duo sceleta foetuum abortivorum quatuor circiter mensum; quorum unum gesticulationibus humanas res quasi deridere, & sic DEMOCRITUM repræsentare videtur; alterum verò, dextrâ strophiolo instructâ & orbitæ dextræ admotâ, HERACLITUM exhibet.

Inscriptio primi sceleti talis est.

C U M T A N T U M I N V I T A R E S T E T T R A N S I R E M A L O R U M ,
L I B E R A B H I S L E T H O , L Ä T U S S I N E V O C E T R I U M P H O .

B

Se-



10 THESAURUS ANATOMICUS.

Secundi

NOS DULCIS VITÆ EXSORTES, ET AB UBERE RAPTO,
ABSTULIT ATRA DIES, ET FUNERE MERSIT ACERBO.

Not. 1. Strophiolum dictum, ex membranula confectum, innumeris gaudet arteriolis rubicundissimis, quarum cursus serpentinus non ineptè opus Phrygium æmulatur, de quo Prophetæ David loquitur Psal. 139.

2. Offa Cranii striatim accrescere, instar glaciei, in illa ætate, hic palam est.

In anteriore parte Pedamenti supradicti continetur

A. *Aspera arteria Vitulina*, cereâ materiâ rubicundâ repleta, atque inversa, ita ut arborem ramosam sine foliis representet. *Vide L. A.*

Not. Ramos ita exsiccavi, ut fere naturalem retinuerint dispositionem. sc. nonnulli antrorum, alii retrorsum vergunt.

B. *Portio Pulmonis vitulini inflati, exsiccata, & in lamellas fissi*, ut vesicularis aut spongiosa Pulmonis substantia se videntem exhibeat.

C. *Pulmonis humani portio*, eodem modo præparata, ut substantia vesicularis non solùm, verùm etiam calculi in Pulmone nati, conspiciantur.

D. *Aspera arteria infantis inversa*, cum annexis Arteria & Vena pulmonalibus.

E. *Aspera Arteria inversa*, eaque ex fœtu quatuor circiter mensum.

F. *Asperæ Arteriæ portio*, cereâ materiâ albicante repleta, per quam rami Arteriæ Bronchialis sunt dispersi, eaque è corpore vitulino.

G. *Aspera Arteria vitulina*, antiqua methodo præparata, & jam à triginta quatuor annis conservata.

No. III. Inter dictas duas Rupes, Puellae trium quatuorve annorum Sceleton repositum nivei coloris, pedamento ejusdem notae insidens, & peculiari artificio confectum, ita ut non solùm maxima ex parte, ligamentis propriis & naturalibus offa cohaereant, verùm etiam ligamentorum arteriae, cereâ materiâ inpletæ sint, unde summa rubidine articuli sunt præditi. Si quis dictos articulos oculis armatis lustret, non solùm



THE SAURUS ANATOMICUS. 11

videndos sese exhibebunt ramusculi capillares, verum etiam iis multis partibus tenuiores.

Not. 1. Pars Capitis ossis superior, proprio Pericranio amicta, tot superbit Arteriolis, cerea materia repletis, ut dictum pericranium summa rubidine sit perfusum.

2. Sinistra gerit Ramum Arteriosum splenicum, ex vituli Liene desumptum, cera quoque infarctum.

3. A dextra ope filii sericei dependet Cor Pueri, lapidis instar durum, cuius uterque ventriculus expansus cum annexis Auriculis, cerea materia impletis.

4. Dictum Cor instructum Arteriae Magnae trunco sicuti est Cordis ventriculo sinistro emergit, reservatis naturalibus diametro, forma, & cursu.

5. Quomodo ex Arteriae Magnae parte superiore tres prodeant rami sursum vergentes, sc. duae Arteriae Carotides, ut & Arteria subclavia sinistra, hic videri potest. Arteriam subclaviam dextram ex Arteria Carotide dextra ortum habere, hic quoque luculenter appetat.

6. Praeterea conspicere licet utramque Arteriam Vertebralem A. A. ut & Mammarias internas B. B. prodire ex Arteriis subclaviis C. C.

7. E facco membranoso seu Venae pulmonalis basi, quatuor ramos emergere, hic etiam cernitur: id quod in responsione ad Epistolam Problematic. decimam per figuram expressi.

8. Quomodo Arteria Pulmonalis, primò in partem dextram & sinistram circa Cordis basin divisa, ulterius subdividatur, simul quoque oculis lustrari potest.

9. Vasa Coronaria per Cordis superficiem disseminata, jucundo spectaculo visuntur, oculis autem armatis minutissimi ramusculi praeterea conspicui queunt.

Dictum Cor, ut supra dixi, à filo dependet sericeo, cum hac inscriptione

OMNIA SUNT HOMINUM TENUI PENDENTIA FILO.

No. IV. Dicto Sceleto à dextris opposita est phiala, caput infantis continens, liquori balsamico innatans, quod vivido colore tam nitide preparatum & conservatum est ullo absque pig-
men-

12 THE SAURUS ANATOMICUS.

mento, ut dormientis potius, quam denati caput, videatur, quamvis à multis annis ita conservatum sit.

Not. 1. Superiore parte Cranii ablata, Cerebrōque excepto, conspicienda sese exhibent decem nervorum paria, Cranii ossa perforantia, idque nitidius atque distinctius, quam in capite jamjam extinto, ne Patheticis quidem atque Accessoriis nervis exceptis.

2. Accuratisimè quoque conspicere licet Nervorum auditoriorum ramum durum à molli esse distinctum, praesertim latere sinistro.

3. Sinubus lateralibus durae Matris à me apertis, in oculos incurrit sinus quartus.

4. Infundibulum, Glandulae Pituitariae annexum, præ copia arteriolarum, materiâ rubrâ è cera repletarum, summâ rubidine perfusum.

5. Glandula Pituitaria Sellae equinae insidens, in sui medio, ubi Infundibulo connectitur, nonnihil eminet.

6. A latere hujus Glandulae, ut & à latere Nervorum Opticorum, cernuntur Arteriarum Carotidum trunci abscessi.

7. Facies, imò & labia, nullo modo rugosa, & vivido colore praedita.

Nº. V. A sinistris supra dicti sceleti, locata phiala, eodem liquore ex parte referta, cui innatæ Infantis caput, eodem modo praeparatum.

Not. 1. In capitis basi interiore, à latere dextro nervi parisi vagi, nervus supernumerarius reperitur.

2. Nervorum Olfactoriorum extremitates Os cribrosum perforare, luculenter videri potest.

3. In hoc capite Nervorum, Cranio exeuntium, visuntur undecim, vel duodecim paria.

4. Nervi vagi in utroque latere duobus in locis Cranium perforant, exigua portione osseâ interposita.

5. Nervum accessorium, tam in dextra, quam in sinistra parte è variis fibris nervosis, variisque è locis oriundis, constare, hic quoque conspicuum est.

6. Quam tendinosa sit Dura Mater, in hoc capite apparet.

Nº. VI. Pone utriusque jam descriptum caput, videnda sese exhibent, pueri, 3 4ve annos nati, tenuia intestina, sicca-



eata, quae, proprio Mesenterio cohaerentia, naturales eorum circumvolutiones demonstrant. Quem in finem cera implevi, ut rotunditatem acquirerent, quæ praedita sunt, cum cibo, potu, aut flatu, in corpore vivo sunt extensa. His et relicta & connexa Coli portio, nec non integrum Cœcum, cum processu ejus Vermiformi, ut eorum constitutio videri possit in illa aetate.

Quae jam sequuntur, super Afferes seu Repositoria Thesauri dicti reperiuntur.

REPOSITORIUM, seu ASSER PRIMUS.

Nº. I. Tenuia intestina fœtus humani, jam jam nati, infarcta atque exsiccata, cum annexa Coli portione, ut & intestino Cœco, processuque Vermiformi, eundem in finem praeparatis, sc. ut constitutio Coeci naturali proxima, appareat, quæ longè differt in illa aetate, ab ea, quae in pueris, aut aetate provectionibus cernitur. Successivè enim in recens natis Coeci intestini diameter diminuitur, sine notabili protuberantia, & sic degenerat in processum Vermiformem; in provectionibus verò ab una parte, valde protuberat, & ex illa protuberantia processus Vermiformis emergit; ita ut in ea aetate Caeci diameter haud successivè diminuatur.

In hisce intestinis reservata est naturalis eorum capacitas, & sine rugis extensa sunt.

Nº. II. Phiala continens liquorem, cui innatæ Arteriae Spleenicae vitulinae portio, loco sanguinis, cerea materia rubicunda repleta, cuius extremitates penicilla detrita representant, sicuti in homine expressi Fig. 4. Tab. 4. Epist. Resp. ad Expertissimum D^m. Campdomericum.

Nº. III. Infantis Brachium liquori innatans, tam nitido pallidoque colore naturali (non sine mixtura coloris rubicundi) praeditum, ut viventis constitutioni haud cedat. Hujus manus continent substantiam polyposam, artificiose ex sanguine suillo confectam. sc. crux è sue jamjam jugulato, manu tamdiu fuerat conquassatus, donec frigefactus materiam polyposam copiosè videndam exhiberet. in hac materia, è sola conquassatione, ut dixi, prognata, adipis variae particulae apparebant, firmiter polyposae substantiae adhaerentes; sicuti Figura Tab. 2.

14 THE SAURUS ANATOMICUS.

lit. E. repraesentatur. Dictus adeps albissimus & durus, formam globulorum diversae magnitudinis conquassando acquirens, membranulae analogum integumentum simul acquisivit, cuius ope quoque adhuc connectitur polyposae materiae supra dictae, interim manus, qua conquassatus fuerat crux, munda fuit, neque ulla pinguedine, aut sevo conspurcatus fuerat crux.

Ex iis constat sanguinem in se continere pinguedinem diffolutam, quae in cellulas deposita concrescit.

Notandum quoque, hanc phialam, Brachium continentem, ut & caeteras phalias obturatas esse loco vescae, (ut facere sollemus,) integumentis, ex variis corporis partibus desumptis, sc. intestinis, cute humana, membranis Cerebri, &c. quae omnia, vasis sanguifluis scatentia, rubra cera sunt repleta, id quod non solum visui gratum accedit, verum etiam diversorum vasorum reptatum in iis cernere licet.

N°. IV. Portio capititis foetus humani, secundum longitudinem divisi.

Not. 1. Linguae, secundum longitudinem dimidiatae, vera constitutio, non solum baseos, verum etiam apicis, à latere visa, sic quoque muscosa linguae pars, accurate sese visui offerunt.

2. Ductus supra palatum ad Aurem excurrentis. In hujus osculi membrana fibras obtinet, quae mentiuntur effluxum aquae fluviatilis, qui obstaculo quodam intercedente, viam sibi quaerit diversam.

3. Integumentum septi Narium innumeris arteriolis esse praeditum, constat ex portione hac, post divisionem hic relicta.

4. Offa spongiosa Narium, membranosis integumentis vestita, per quae myriades Arteriolarum sunt disseminatae.

5. Unus ex dentibus incisoris, secundum longitudinem distractus, idque in maxilla inferiore; in quo triplex substantia observari potest. Extima enim colore est albicante, media grisea, tertia vero dilutiore colore griseo gaudet.

6. Cristam Galli in ea aetate totam esse cartilagineam, ut & septum Narium, Cristae Galli continuum, hic palam est.

7. Particulae subrotundae, per membranas offa spongiosa investientes dispersae, quae glandulae audiunt, cœlo sereno lumen conspicuntur.

8. Remanentiae processus falciformis, Cristae Galli non solum



THE SAURUS ANATOMICUS.

15

lum, verum etiam interiori parti ossis Frontis cohaerentes, distincte visuntur.

9. Glandulae, Palatinae dictae, oculos quoque haud fugiunt, quantumvis nudos.

10. Pori cutanei luculenter quoque in oculos incurront.

Nº. V. Pueri Ren dexter, liquori impositus, colore & ceteris qualitatibus, naturali & vivo nullo modo cedens.

Not. 1. Hujus apici insidet Ren succenturiatus, parti autem inferiori connectitur portio intestini Coli, integrum Cœcum, ut & Processus vermiformis: quae omnia sine rugis conservata.

2. Superior pars Renis veri succenturiato non solum est contigua, verum etiam membranoso & admirando nexu inter se connectuntur. sc. Ren succenturiatus excavatus est parte sui inferiore, quam in cavitatem, supremam partem Renis veri tanquam in acetabulum admittit, in modum articulationis ossium, quae per arthrodiam fit.

Nº. VI. Infantis Crus, vivo colore praeditum, liquori limpido innat. In hujus parte inferiore, cute & pinguedine ex parte ademptis, conspicierdos fere exhibit.

1. Nonnulli Musculi, suo in situ naturali, quorum membranaceum integumentum in totum non est ablatum, ut ejus vascula sanguinea visui patarent.

2. Tendines Musculorum, qui inter pedem flectentes & abducentes numerantur, suo in situ naturali. horum tendines sub Malleolo externo transeuntes, & colore vivo non destituti, arteriis gaudent plurimis.

3. Horum Musculorum tendines vaginae nervosae inclusi sunt, ubi per sinum malleoli externi decurrunt: idque, ne dicti tendines facile fere sua dimoveantur.

4. Hujus pedis Ungues removi, ut vascula sanguinea oculis armatis sub iis lustrari possint.

Nº. VII. Pueri recens natu stomachus apertus & inversus, ut

1. Tunica villosa, praे vasorum sanguinorum repletorum copia, summa rubidine imbuta, ut & gulae terminus, luculenter conspiciri possint, ob coloris varietatem.

2. Pilorus, seu stomachi exitus cum annexa portione intestini duodeni, in hoc stomacho inverso quoque lustratur.

3. Ab hisce etiam dependet Omentum cum portione intestini coli. Dictum Omentum tam nitide praeparatum atque conserva-



16 THE SAURUS ANATOMICUS.

servatum, ut sericum dilutiore rubidine perfusum, repreäsentet. Hujus Arterias cerea materiâ impletas, innumerâs esse, hic constat.

Nº. VIII. Portio humani Intestini jejunii inversi, & liquori innatans, naturali colore praedita, in qua conspiciuntur

1. Ita dictae Valvulae conniventes (potius juga, seu jugales particulae prominentes) in Intestini Jejunii cavitate existentes, quas inter una situm obtinet contrarium, sc. secundum longitudinem exorrectum, id quod rarum.

2. Hujus intestini Glandulae solitariae, (mihi non tantum solitariae, sed & spuriae) capitis aciculae majoris magnitudine protuberantes.

3. Hujus Intestini villoſitas, perquam distinctè in hoc obiecto comparet.

Nº. IX. Infantis Cor tali artificio in liquore conservatum, ut ne minima quidem ruga praeter naturalis in eo reperiatur, ne situ quidem naturali neglecto.

Not. 1. Utramque Auriculam naturali forma, atque magnitudine esse conservatam, quarum sinistra Cristam Galli aemulatur.

2. Truncum Venae Cavae descendantem ad exortum abscissum esse, ubi cavitatem reliquit notabilem. Truncus autem ascendens, cerea materiâ repletus, à latere Auriculae dextrae in oculos incurrit.

3. Arteriae Pulmonalis, ut & Aortae truncum simul conspicere licet, idque in situ naturali.

Nº. X. Arteriae per Piam Matrem dispersae, aut potius, quae Piae matris ope, coërcentur, ne à se invicem recederent, aut intricarentur.

Not. Variis in locis videre licet, dictas Arterias substantiam Cerebri Corticalem producere, quemadmodum figuris expressi in Responſi Epist. Probl. 12. ad Expertissimum Dominum Et-mullerum.

Nº. XI. Infantis Ren bisectus, ut interiora pateant. in ea parte quae fundo proxima, sequentia observanda sunt:

1. Constitutio Renum, quae mihi praefertim ex dupli substantia constare videtur; sc. ex vasis sanguifluis & urinariis; paucis vasis Lymphaticis & Nervis interpositis.

2. Quamvis Glandulae videantur hic apparere in Renibus bisectis,



THE SAURUS ANATOMICUS. 17

fectis, tamen putem nobis imposuisse admirandam constitutio-
nem extremarum Arteriolarum, sicuti brevi per figuras illustra-
re animus est, idque ad objecta vera.

3. Artificiosè sunt impletae Arteriae, ut & ex parte Venae;
ex parte dico, propterea quod totæ haud sint repletae, unde
Arteriolis rubris substantia grisea interjacet: utroque verò vase
sanguifluo repleto, tale quid non reperitur, sicuti videre est
in variis à me conservatis Renibus, postea delineandis & de-
scribendis.

4. Papillas Renum nil nisi congeriem esse ductuum Urinario-
rum Bellini obscure in hoc, in variis autem postea delineandis
& describendis, luculentius constabit.

5. Papillas plurima obtinere oscula, (Papillarum Mamma-
rum adinstar) cavitatem Tubulorum Renalium respicientia, ac-
curatissime in hoc objecto nudis oculis videri potest.

6. Membranam hic dependentem, quae Propria audit, Re-
nemque proximè ambit, tenacem atque firmam esse pro pro-
portione objecti, nemo ambiget, qui hoc expiscatus fuerit.

7. Renes in ea aetate superficie admodùm esse inaequales,
tanquam ex variis particulis constitutos, hic palam est.

8 Pelvis cum suis Tubulis Renalibus distinctè intuentibus ap-
paret, Rene in duas partes diviso.

9. Ureteris portio è Pelvi prodiens.

Nº. XII. Intestina Infantis tenuia, cereà materiâ repleta;
cum annexo Cœco & Coli portione.

Not. 1. Reservarunt naturalem situm & circumvolutiones,
utpote Mesenterio illibato.

2. Arteriae per Intestina disseminatae, more solito sunt in-
pletae.

REPOSITORYUM, seu ASSER SECUNDUS.

Nº. 1. Hominis Vesicula fellea, cum annexa Hepatis por-
tiuncula, liquori immersa.

Not. 1. Vesicula fellea cereà materiâ est repleta, ut natu-
ralis ejus capacitas & figura conspici possint.

2. Arteriae Cysticae, eâdem materiâ impletae.

3. Arterias Cysticas haud solum de sanguine prop cere Ve-
siculae felleac, verùm etiam ulterius repere per Hepatis substanciam

C

tiam

18 THE SAURUS ANATOMICUS.

tiam, hic evidens est. Hoc Anatomicis imposuit, existimantibus hasce Arteriolas per fundum reptantes, peculiares ductus biliarios esse. Vid. Respons. Epist. Probl. 5. ubi fusus de hac materia agitur.

Nº. 11. Phiala hominis Lingua in liquore continens, ut minutiae distinctius videri possint.

Not. 1. Naturali & vivido colore praedita innumeris gaudet Papillis, per aream disseminatis: suntque incertae figurae & magnitudinis.

2. Harum Papillarum aliquot sunt planae, in medio praeditae foramine aut lacuna; in ambitu vero fulco rotundo. Non nullae contra conicam habent figuram, aliae autem in Fungorum modum rotundo capitulo donantur.

3. Per has Papillas Vascula sanguinea exspatiantur, quae tamen absque instrumentis opticis videri nequeunt.

4. Larynx cum Epiglottide sua ad radicem Linguae distincte sese videndam exhibit; estque Larynx aperta, prout sese habet extra deglutitionem.

5. Sub Epiglottide visui exponitur Pharynx.

6. In Epiglottidis superficie plurimae visuntur Glandulae.

7. Utique Linguae lateri adsitae sunt Arteriae Carotides.

8. Glandulae Thyoideae posteriori, & supremo lateri Aferae Arteriae, sunt adsitae.

Nº. 111. Infantis Lingua, cum annexa portione laevi lateris Menti, Labiique inferioris.

Not. 1. Lingua spinulae ope elevata, ut sub ea conspicienda sese exhiberent portio Nervi & Arteriae sublingualis. dictus autem Nervus à latere sub Lingua reptat, non autem sub Fraenulo; ita ut minus recte judicent, qui existimant hunc Nervum sub ipso Fraenulo Linguae reperiri.

2. In sinistro latere hujus Linguae innumeræ Arteriolæ in oculos incurront, arbuscularum, foliis nudatarum, silvam repræsentantes.

3. Glandulas, quae dicuntur Maxillares inferiores, utroque latere Ductum salivalem exhibere in confessu est: eundem à latere Fraenuli salivam impertire ori, nemini, qui vel à limine tantum salutaverit Artem Anatomicam, ignotum. at vero quot aperturis aut osculis dictus canalis sit praeditus non ita facile est demonstratu, neque Anatomici in suis demonstrationibus

pu-

THE SAURUS ANATOMICUS.

49

publicis nobis ostendunt. Si quis interim hoc objectum cœlo sereno inspicere dignetur, videbit idque luculenter, Ductum hunc salivalem laevi lateris tribus in locis salivam impertire ori, quem in finem à latere fraenuli tria visuntur oscula hiantia, id quod non solum in uno, verùm etiam in altero locum habere saepius deprehendi. In nonnullis quoque observo dictum Cannalem unicam tantùm aperturam habere, an quia caeterae occulæ ante, vel post mortem?

4. Cutem humanam tribus Pororum generibus ditatam esse in publicis demonstrationibus ostendi: duo autem genera in hoc objecto accuratè videre licet, tertium verò genus non satis accuratè.

5. Linguae Papillæ lustrari hic quidem possunt, verùm in supra memoratis objectis accuratius sese videndas exhibuerunt.

Nº. IV. Phiala continens inversam Coli Intestini portionem, (paulò antequam nomen Intestini Recti assumat) è pueri cadavere desumptam, & à seta dependentem.

Not. 1. In hoc objecto ita inverso, ut superficies interior jam facta sit exterior, luculentissimè conspiciuntur aperturæ, quae tam numerosæ, & tam arctè sibi invicem sunt appositæ, ut cribrum aemuletur: nam cuspidé subtilissimæ acus, laterum compunctiones ne fieri quidem possunt. An Pori, an verò oscula minutissimorum vasculorum? an admittunt, an in cavitatem dicti Intestini emittunt?

2. Dicti Intestini Glandulae (quae mihi spuriae dicuntur) lacunarum minimarum in modum oculis sese offerunt, suntque saturata rubidine perfusæ, propterea quod Intestinorum vasa, quorum propagines fasciculosæ Glandulae dictæ mihi sunt, cereâ materiâ rubrâ sunt repleta.

3. In dictæ phialæ fundo reperitur Intestini Ilei portio, in qua suscepitio appetit, id est, portio Intestini suscipit portionem insequentem, & sic obstruitur Intestini cavitas. Hic affetus lethalis, verum est Miserere mei, seu Ileus, in quo Intestina plane obstruuntur, unde vomitus continuus, tormina vehementia, &c. Estque hoc objectum desumptum è cadavere pueri octo circiter annos nati.

Nº. V. Phiala in liquore continens pueri Cerebellum cum portione Medullæ oblongatae.

Not. 1. Latera Cerebelli sunt abscissa, ut interiora pateant.

C 2

2. Na-



20 THESAURUS ANATOMICUS.

2. Nates aque Testes ob nimiam Cerebelli molitatem confundebantur, antequam phialae inderem.

3. Glandula Pinealis, ante Nates sitae, exigua abscidi lamellam, ut constitutio interior appareret, quae porosa, ut liquet in hoc objecto.

4. Membrana, dictam Glandulam amiciens, satis crassa, pro Glandulæ magnitudine.

5. Dictam Glandulam neutquam ejusdem esse constitutionis cum Cerebro, aut Cerebello, neque cum caeteris corporis partibus Glandulosis convenire, frequentiori exploratione certior factus sum.

6. Infra Nates, portio membranae Arachnoideæ apparet, & sub ea Pia Mater, Cerebellum cingens.

7. Posticâ parte hujus phialae Nervi Optici conspicuntur suntque porosi; ut & olfactorii, per quos Arteriae disseminantur.

8. Arteriarum Carotidum rami crassiores, è quibus prodeunt alii, qui uniti, per inferiorem partem Piae Matris, Cerebellum investientis, obambulant.

Nº. VI. Infantis Nasus cum Labio superiore, in liquore à capillo dependens.

Not. 1. Duum generum Pori nudi sese offerunt visui, tertium autem genus, ut supra quoque innui, oculorum acies non attingit, nisi in aqua maceratum digitis comprimatur. Horum Pororum alios esse destinatos emissioni humoris superflui, alios verò admissioni hujus vel illius rei, satis superque indicant sudores erumpentes & medicamenta extrinsecus applicata, interiora potentia, uti sunt Cantharides, Mercurius vivus &c.

2. In maximis & capacioribus poris sese videndas exhibit Glandulae cutaneae nudæ, praesertim in nonnullis Poris Nasi capacioribus.

3. Nonnullae Glandulae cutaneae, in Poris majoribus haerentes, morbosae & justò majores factae, praeternaturali colore albicante praeditae sunt in hoc Naso, & quod notandum, eorum Pori visuntur obstructi. Homines illo morbo correpti, saepius compressione Cutis dictas Glandulas morbosas exprimunt, & foras eliminant, cum pustularum nomine ē Cute faciei prominent. In hisce ita dictis pustulis, aut Glandulis morbosis reperitur ut plurimum paululum materiae pultaceæ, imò & vermiculi.

4. Hic



THE SAURUS ANATOMICUS.

25

4. Hic oppidò quam bene terminum extremum Cutis faciei ab involucro membranoso labii superioris lustrare licet. ubi enim Pori cutanei desinunt, desinit & ibi quoque cutis.

5. Labii superioris portio infima, involucro suo destituta, admodum villosa: de qua villositate plura in sequentibus. Res enim consideratione digna est.

Nº. VII. Foetus jamjam nati Hepar excarne, cum annexa Vesicula fellea: Hepar dico excarne, ut loquar cum Anatomiae proceribus, perperam quamvis ita audiat: Potius dicendum, Vasa sanguinea, quae suis extremitatibus potiorem Hepatis partem constituunt, hic separata sunt ab extremitatibus suis succosis.

Not. 1. Quanta sit differentia inter vasorum sanguiferorum extremitates, idque haud solum ratione reptatus, verum etiam tenacitatis & mollitiei, in variis objectis mirum visu.

Vasa sanguifera Hepatis, ut & biliofa circa sui extremum adeò sunt tenacia & sibi invicem connata, ut nullam admittant curiosam dissolutionem, aut excarnationem, ut vulgo dicitur, nisi in eo affectu, in quo mollitiem acquirunt praeter naturalem Jecinora. Horum vasorum extremitates fasciculatim sunt dispositae, qui fasciculi Glandulae denominantur, ast immerito. nam praeter vasa, peculiares haud reperiuntur hic Glandulae.

Dicti fasciculi non sunt extremitates vasorum contortae, glo-
mi ad instar, at verò penicillorum modo sunt dispositae, nul-
laque peculiari membranulae praeditae, id quod Glandulis pro-
prium, uti aiunt; omnes solummodo communi membrana
coercitae sunt.

Hi Vasorum fasciculi Glandulas tam exacte mentiuntur, ut
nobis & aliis olim imposuerint, praesertim in Jecinore suillo,
sive recenti, sive cocto: re autem penitus perspecta, fascicu-
los dictos neutquam puto dicendos esse Glandulas; Vasa enim
sanguinea peculiaria dictos fasciculos nullo modo alluant, at
verò fasciculi sunt ipsae Vasorum extremitates, quae nullà pe-
culiari membranā propriā coercentur. Munus itaque Glandu-
lis sic dictis destinatum, vasorum fasciculis attribuendum esse
censeo.

2. Vesicula fellea gaudet Arteriis Cysticis, quae non solum
prospiciunt Vesiculae felleae, verum etiam ulterius reptantes
Hepati innumeros ramulos impertiunt, qui perperam Radices

C. 3.

Ve:



22 THE SAURUS ANATOMICUS.

Vesiculae felleae è fundo emergentes Auctoris audiunt: hoc, inquam, luculentissimè appetet in hac Vesicula fellea.

Nº. VIII. Pueri aut Puellae Ren bisectus, ut interiora pateant.

Not. 1. Papillae renales plurimis foraminibus, seu osculis, urinosum liquorem in Tubulos renales (qui nil nisi ramosae emissiones Pelvis sunt) excernentes luculenter hic apparent.

2. Dictas papillares prominentias ubique haud solitarias, sed variis in locis conjugatas esse, appetet in hoc objecto, ut & in aliis.

3. Dictae Papillae, ex vasculorum uriniorum extremis constitutae, in hoc objecto naturalem obtinuerunt magnitudinem, formam ac colorem.

4. Vascula urinaria dicta in allegato Rene ex parte repleta sunt materiâ è cera rubrâ, qua & vasa sanguinea renalia complete sunt, id quod jucundum visu & notatu dignum esse censeo. Arterias renales infarciendo simul quoque varii ductus urinosi replebantur.

Sunt mihi Renes, quorum vascula urinaria omnia, post repletionem Arteriarum renalium, infarcta sunt; de quibus plura alibi, ubi Renis veram & miram constitutionem, Deo volente, delineaturus sum, quod nondum ab aliis factum vidi.

Nº. IX. Pueri Ren bisectus & tam nitidè conservatus, ut naturalis & vividus color haud desint. in eo Papillae, ut in objecto modo descripto, evidenter comparent.

Nº. X. Penultima, ut & ultima atque infima Thoracis costa, cum Musculis intercostalibus, idque è pueri cadavere.

Not. Paracentesin nunquam instituendam esse inter spatia intercostalia dictarum costarum, satis superque indicant Nervorum intercostalium reptatus ejus loci; saepissimè enim, si non semper, dicti Nervi Muscularum medium perreptant, uti hic videri potest.

Nº. XI. Portio Intestini Coli, cuius tunica villosa, rubicundissima ex parte separata, dependet, continetque in se spurias Glandulas.

Not. 1. Dictas Glandulas proximè adhaerere in statu naturali Tunicae Nerveae, vestigia indicant, quae post separationem relinquuntur in Tunica Nervea, sicuti hic videre est.

2. Arteriarum trunculos Tunicam Nerveam potissimum obfidere, hic palam est.

3. Tu-



THESAURUS ANATOMICUS.

23

3. Tunicam Carneam hic quoque dependentem paucioribus vasis sanguifluis esse ditatam, cerni potest in hoc ipso objecto.

4. Tunicae Carneae fibrae motrices circulares luculenter in oculos incurront, ut & Tunicae villosae, ex parte à Tunica Nervea separatae, utraque facies.

Nº XII. Hepatis Hydropici portio

Not. 1. Anno 1696. Hydropici cadaver cultro Anatomico subjeci, cujus Hepar totum quantum erat ex meris vesiculis constabat, quae materiam limosam pellucidam continebant. Hujus portionem in liquore nostro tam nitide conservavi, ut jam jam modo è cadavere desumpta videatur, eamque hic videre licet.

2. In dicto Jecinore ne minimus quidem ramulus Venae Portae, Cavae, Ductus biliosi, aut Arteriae Hepaticae videntur sese exhibebat, quantumvis ad illud usque tempus vixerit aeger.

Ex hac observatione palam esse puto, Lymphae-ductus non solum, verùm etiam vasa sanguinea, ut & alia posse degenerare in hydatides, vel in Vesiculos, non solum aquam, verùm etiam substantiam gelatinosam in se continentes, prout hic vide re est. Et quod magis mirandum, non solum extremitates vasorum fasciculosae (quae perperam Glandulae dicuntur), sed & vasorum trunci mutati sunt in dictas vesiculos.

Nº XIII. Magna portio Piae matris foetus jamjam nati.

Not. 1. Dicta Tunica adeò tenera ac subtilis, ut vix aliquid membranosi appareat: Arteriae autem tam numerosae, ut membrana tota ex Arteriolis fere constare videatur.

Hinc constare puto Arterias dictas haud solum esse destinatas nutritioni & calefactioni hujus membranae, per quam diffuminantur; illa enim tenuior est, quam ut indigeat tanta vasorum copia; at vero dicta vasa ad id destinata esse existimo, ut Corticalem producant Cerebri substantiam. Ne autem memoria vasa destituantur reptatu suo naturali, neque sede sua dimoventur, aut inter se confundantur, dicta membrana inservire videtur; praeterea inservit cum suis vasis sanguiferis, ut separet à se invicem Cerebri circumvolutiones.

De Venarum copia, reptatu ac distributione nil dicam, quia in hac Piae Matris portione repletae non sunt, ideoque minus videri possunt.

2. Quia



THESAURUS ANATOMICUS.

2. Quia Cerebrum in recens natis fulcis non gaudet profundiорibus, ea propter processus Piae Matris minores quoque existunt, id quod nobis hic conducere videtur, sc. ut ea ratione Arteriarum copia & reptatus accuratius conspici possint. Vid. figur. dictae portionis Piae Matris Tab. 4. Fig. 3.

Nº. XIV. Pueri Lingua cum Epiglottide vivido colore praedita, per cuius aream innumerae disseminantur papillae diversae formae & magnitudinis. Vide explicat. Tab. 4. Fig. 6.

Nº. XV. Oculus infantis omnibus Musculis instructus, per quorum Musculorum superficiem Arteriae & Nervus reptant.

Not. 1. Nervus naturalem situm & colorem reservavit, estque hic Nervus praecipue destinatus, ut Spiritus animales deferat ad Musculum Frontis.

2. Ab altera parte hujus phialae in sensu incurruunt Arteriae, per Pericranium supra orbitam, serpentino reptatu decurrentes, ut & rami dicti, per Musculum Frontale disseminati.

Nº. XVI. Papilla Uberis Balaenae, liquori limpido innatans.

Not. 1. Epidermida, ut & Corpus Reticulare Malpighii, ab hac Papilla à me esse remota sciendum est, ut innumerae Papillae cutaneae prominenter, luculentiusque in conspectum venirent: suntque dictae Papillae cutaneae oblongorundae, quatenus extra cutem prominent.

2. Praedictas Papillas cutaneas à sculptore paulò majores esse expressas.

3. Uberis Papillam in sui extremo esse excavatam. Vide Tab. 4 Fig. 1.

Nº. XVII. Papilla Uberis Balaenae, cuticula ut & corpore reticulari haud destituta, unde Uberis Papilla aequali superficie praedita, Papillae cutaneae non prominent, sed verò transparent. Vid. Fig. 7. Tab. 4.

A latere hujus Papillae Uberis, separavi portionem exiguum corporis Reticularis, ut Corporis Reticularis foramina, nec non ejus crassities conspici possint. Dicta portio Corporis Reticularis est inversa, quod alioqui foramina in sensu minus incurserent. Vid. Fig. 8. Letr. A.

REPOSITORYM seu ASSER TERTIUS.

Nº. I. Phiala Papillae Mammae Balaenae portionem continens,
ita

THESAURUS ANATOMICUS. 25

ita praeparatam, ut Ductus Lactiferus Papillae Mammæ videri possit.

- Not.* 1. Hic Ductus est singularis in Ubere Balaenæ.
2. Consideratione dignum esse censeo, quod sit sulcatus Ductus, & quod

3. Sulcorum margines mirificè sint fimbriati, nec non crisi: suntque dictæ fimbriae ita constitutæ, ut Lactis exitum, extra suctionis tempus, prohibere queant. Vid. Tab. 4. Fig. 5.

In dicta Phiala continetur quoque alter Ductus Lactiferus Papillæ uberis Balaenæ, ita praeparatus & expansus, ut sulci accuratius videri queant. Horum sulcorum margines unde fiat ut minus fimbrientur, an ab expansione fortiore, an secus, non satis exploratum habeo. Vid. Tab. 4. Fig. 2.

N. II. Phiala in qua videre licet portionem Papillæ Uberis Balaenæ.

- Not.* 1. Cuticulam & Corpus reticulare esse ablata.
2. Papillas cutaneas à me esse dissolutas in aqua simplici, ita ut Papillæ cutaneæ capillos repræsentent. Vid. ulteriora super hac re in explicat. Tab. 4. Fig. 9.

N. III. Phiala Papillam Mammæ Mulieris continens cum annexa areola.

Not. 1. Epidermida ut & Corpus Reticulare Malpighii in totum non esse ablata, unde altera pars dictis integumentis haud destituta magis nigricat. ubi autem Cutis magis albicit, Papillasque cutaneas prodit, (quæ absque hoc sensum nostrum fugiunt), dicta integumenta sunt ablata. Vid. Tab. 4. Fig 4.

2. Papillam Mammæ mulieris plurimis foraminulis esse pertusam, hic videri potest, secus ac in Papilla uberis Balænæ, suntque hæc foraminula oscula ductuum lactiferorum, per quæ lac exitum suum quærit.

3. Difficillimum fore Anatomico Papillas cutaneas in hoc loco demonstrare, nisi in liquore, sicuti hic repræsento, cuticulâ & epidermide ablatis.

N. IV. Portio Cutis plantæ pedis humani, colore rubicundo & naturali proximo, ditata.

Not. 1. Epidermis ut & Corpus Reticulare Malpighii, ex parte à Cute dependent.

2. Epidermis, sive exterius, & primum cutis integumentum
D in



26 THE SAURUS ANATOMICUS.

in hoc objecto albicat; Corpus verò Reticulare Malpighii, secundum corporis integumentum, flavo colore imbutum, hic quoque luculenter appetet.

3. Papillarum cutanearum potior pars, sensu exquisitissimo prædita; innumeris in locis ex ipsa cute emergens, microscopis hic, cœlo sereno, obvia.

Nº. V. Asperæ Arteriæ portio, secundum longitudinem aperta; idque ex puerò aut puella.

Not. 1. Membrana, seu Tunica nervea, quæ intima, & cavitatem Asperæ Arteriæ respiciens, innumeris (ita dictis) glandulis, foveolas repræsentantibus, est referta.

2. A parte posteriore Glandula congregata dependet, quales numero magno & diversæ magnitudinis istic loci reperiuntur in corpore nostro.

Nº. VI. Phiala continens Portiones Tunicæ villosæ Intestini recti humani è corpore vivo, post cruciatus immanes & dejectiones cruentas, ejectæ.

Nº. VII. Funiculi Umbilicalis humani portio.

Not. 1. Funiculum dictum admodum spongiosum esse hic appetet, quæ spongiositas, vasorum succosorum nomine significatur. pressione quoque succus limosus & limpidus exprimitur.

2. In eo funiculo tria visuntur vasa abscissa; horum duo angustiora Arteriæ Umbilicales sunt, tertium autem & capacius Vena Umbilicalis est.

Nº. VIII. Foetus humani magna Omenti portio, quæ liquoris indita, visendas præbet Arteriolas Omenti nitidissimas & rubicundo colore præditas: nullis autem foraminulis pertusum esse Omentum in statu naturali hic palam est: si quando Omentum foraminibus pertusum ostendatur, id vitio vertendum Anatomico aut ejus violentiæ, à qua inducta sunt foramina dicta.

Nº. IX. Infima portio Medullæ Spinalis, in qua luculenter appetet

1. Substantiam ejus corticalem ex meris vasis sanguinifuis constare.

2. Substantiam corticalim occupare locem interiorem.

3. Involucrum ejus intimum haud esse destitutum Arteriis, etiam lippis & tonsoribus notum; at verò, qualis sit earum re-

THESAURUS ANATOMICUS. 27

reptatus, nondum ab auctoribus vidi ita expressum, sicuti in hoc objecto.

4. Nervos ipsos innumeris gaudere Arteriis, hic quoque palam est: neque earum reptatus per Nervos visum fugit.

5. Ab una facie serpentino reptatu per involucrum extimum reptare Arterias, ab altera verò facie peculiarem reptandi servare cursum, hic appareat.

Nº.X. Lienis humani portio in liquore conservata, cujus Arteria cera rubicundâ est impleta.

Not. 1. Venarum extrema non sunt repleta, unde griseo colore prædita.

2. Arteriarum extrema antequam soliditatem amittunt, & in succosam ac solubilem substantiam mutantur, penicillorum detritorum figuram referre, hic videre est.

3. Solubilem & succosam substantiam variis in locis relata, Glandulas æmulari, hic quoque apparet, quibus tamen Lien prorsus destitutus est. Vide plura de hisce in Respons. Epist. Problem. 4, ubi & Fig. appositam esse reperiet Lector.

Nº.XI. Infantis portio Medullæ oblongatae. In ea videnda fere exhibent

1. Protuberantiae, Corpora Olivaria dictæ.
2. Protuberantiae, Corpora Pyramidalia, dictæ.
3. Sulcus, dictis protuberantii intersitus.
4. Corpus globosum, seu protuberantia annularis Willisi.
5. Portio Crurum Medullæ oblongatae.
6. Considerandum hujus objecti iconismum reperiri in Respons. Epist. Problem. 12. Tab. 14 Fig. 4.

Nº.XII. Una ex infantis Vertebris Colli, in qua portio Spinalis Medullæ hæret.

Not. 1. Hujus pars corticalis merè vasculososa est, sicuti hic distinctè videre licet.

2. Arteriae Vertebrales utroque latere ex parte visibles.

Nº.XIII. Intestini Ilei portio, naturali colore & forma prædita, idque ex infante.

Not 1. Per Mesenterium dispersæ non solum Arteriæ & Venæ, verum etiam Nervi visibles existunt satis numerosi, quibus lœsi graviora producuntur symptomata, doloresque immanes.

28 THESAURUS ANATOMICUS

2. Arteriæ Mesentericæ per Intestina distributæ, ubi aliquanto spatio per exteriora reperunt, subito videntur quidem abrumpi, at verò interiora petentes Tunicam nerveam adeunt, cui ulterius impertinent potiores ramifications.

Nº. Portio Piæ Matris infantis, in qua Arteriarum vertebralium cum Arteriis Carotidibus conjunctio, distinctè videri potest.

Nº. XV. Phiala, pueri Linguam continens, quæ liquori innatat, ut varia distinctius conspici possint.

Not. 1. Arteriarum cursus per Linguæ aream luculenter potest videri, utpote cereâ materiâ albicante Arteriis infarctis.

2. Harum Arteriarum maximæ à faucibus prodeuntes, per Linguam medium decurrunt, ramosque utriusque lateri impertinent; secus ac in Linguæ plano inferiore, ubi geminæ Arteriæ per Linguæ longitudinem decurrunt, minimi digitii fere latitudine à peripheria, utriusque lateri tantam ramulorum copiam præbentes, ut arbuscularum foliis carentium silvam repræsentent. Vid. Tab. 3. Fig. 4.

Nº. XVI. Sex portiones Costarum, Musculis intercostalibus instructæ, idque ex foetu humano,

Not. 1. Omnes Arteriolæ cera rubrâ repletæ occasionem mihi dederunt inveniendi Arterias (mihi intercostales dictas exteriores) de quibus nihil unquam legi apud auctores, nemoque eas per figuræ exhibuit.

2. Harum Arteriarum propagines, per Costarum periostium disseminatæ, peculiarem habent cursum, & plane diversum ab iis, quæ per musculos intercostales parte exteriore repunt vid. Tab. 2. Fig. 3.

3. Arteriolarum Intercostalium exteriorum ramusculi omnes insequuntur cursum fibrarum motricium Musculorum intercostalium exteriorum, id quod visu jucundum.

4. Soboles dictarum Arteriarum Intercostalium exteriorum variis in locis visuntur bicompositæ, quas inter una reptat vena, sicuti videre semper licet in funiculo umbilicali, in quo gemina Arteria associatur Venæ solitariæ.

5. Dicto objecto in parte adversa viso, in conspectum veniunt Arteriolæ per Pleurae superficiem, Pulmonem respicientem, transparentes: harum autem neque exortum, neque finem hic videre est, sed confusè exspatiari videntur.

Nº. XVII.



THE SAURUS ANATOMICUS. 29

No. XVII. Racemus Dentium ex Ovario muliebri post mortem desumptus, cuius historiam breviter hic lubet recensere.

Quatuor quinqueve abhinc annis, mulier quaedam viginti & quatuor circiter annos nata, temperamenti phlegmatici, morbo graviore implicita, saepissimè conquesta erat de dolore in hypogastrio, non sine praecordiorum anxietate & febri continua; tandem fato concessit, unde nobis cadaver aperiendi nata occasio.

Filius meus, praesentibus variis Expertiss. Medicis, & Chirurgis versatissimis, cadaver cultro subjecit; cum autem à late-re Uteri, si rectè memini, sinistro, duritiem quandam perciperet, cultello eam eximebat, nobisque demonstrabat Ovarii duritiem. Cuspide cultelli ab una parte duritiem aperuimus & invenimus Dentem latitare in ea, & quidem molarem. caetera porro integra conservabam, donec mihi concederetur Cadaveris humani Anatomiam instituere publicam; qua data occasione historiam non solum retuli, verùm etiam dictum Dentium racemum attuli & exhibui, alterumque dentem publicè, facta incisione, quoque demonstravi. hic aemulabatur Dentem Caninum. Hosce cum caeteris im membrana satis crassa adhuc occlusis ita conservo in liquore. Vide Fig. 1. Tab. 3.

Not. 1. Dicti duo Dentes partim adhuc sibi invicem dictae connectuntur membranæ crassæ, partim verò denudati sunt, ut hujus rei veritas pateat.

2. Sicuti radices Dentium in Infantibus nunquam sunt perfectæ, ita quoque his denudatis deficit radicum extremitas.

3. Radices Dentium in infantibus cavae sunt, in hisce verò cavitas in totum deficit.

4. Quot sint numero Dentes, in dicta membrana crassa adhuc latitantes, me latet, ulterius enim non aperui.

No. XVIII. Exigua portio Maxillæ inferioris, à carnosa parte nondum liberata, in qua duo Dentes molles comparent; idque è foetu jamjam in lucem edito,

Not. 1. Totum constitutum dictorum Dentium ante eruptionem ex alveolis, in ea aetate substantiam esse mollem, (per quam plurimæ visuntur dispersæ arteriolæ,) hic constat.

2. Horum alter secundum longitudinem divisus, internè innumeris Arteriolis dissectis est ditatus; alterius verò membra-

30 THE SAURUS ANATOMICUS.

na, Dentium substantiam investiens, magna ex parte illibata remansit, & sic accurate quoque dictarum Arteriolarum reptatum per eam cernere licet.

3. Quamvis Dentes eo tempore in totum molles sint, substantia tamen exterior longe differt ab ea, quae interior. Exterior è duplice substantia constat coloris diversi, ut hic luculententer apparet, non autem interior, quae quoque mollior.

Nº. XIX. Piae Matris portio cum annexa portione substantiae corticalis Cerebri, quam ex meris Vasculorum sanguineorum extremitatibus constare luculententer apparet.

Not. 1. Dixi totum constitutum esse vasculosum: an autem merae sint Arteriolarum extremitates, an simul quoque venosi quid intersit, expiscari hactenus nequivi, verosimile tamen esse reor.

2. Dictae extremitates successivè molliores atque molliores evadunt, ita ut tandem, aquae simplicis beneficio, dissolvi possint in pultaceam substantiam, id quod in Liene quoque locum habere monui in Resp. Epist. 4. ad Expertiss. Virum J. Camp-domercum

3. Si verò dicta substantia corticalis arte induruerit, dissolutionem amittit, & grumosa apparet.

4. Dictam substantiam corticalem neutram ex glandulis compositam esse, hic quoque videre est. Vide ulterius Resp. Epist. 12. Tab. 14.

Nº. XX. Infantis Lien, tam nitide praparatus, atque conservatus, ut jammodo corpore videatur exemptus.

Nº. XXI. Infantis Auricula colore vivido praedita.

Not. 1. Pori tam dense sibi invicem sunt adstiri & patuli, ut cribrum aemulentnr.

2. Hisce Poris interseruntur vascula sanguinea repleta, quorum reptatus oculis armatis conspicere licet.

LOCULAMENTUM

Sub dicto Thesauro continet Arcas ex ligno Cedrino perfectas, quarum.

ARCA PRIMA

Continet portiones Intestini Jejuni exsiccatas & secundum lon-

THE SAURUS ANATOMICUS.

31

longitudinem apertas, ut situs Glandularum &c. appareant.

Not. 1. Dictae Glandulae haud sunt solitariae, sed agm nisi in star sibi invicem adsitae.

2. Arteriolae per dictas Glandulas reptantes, sensum in totum non fugiunt, suntque cereâ materiâ refertae.

3. Arteriolae per extimam & communem hujus Intestini tunicam reptantes Acursum obtinent diversum ab eo, quo dominantur caeterae tunicae hujus Intestini.

4. Juga, Valvulae conniventes aliis dicta, in hac portione Intestini Ilei haud sunt obliterata, quantumvis exsiccatum sit Intestinum.

5. Dicta juga non solum, verum etiam integra Intestini portio, saturata rubidine perfusa sunt, idque à cera qua Arteriolae repletae sunt.

ARCA SECUNDA

Continet varias portiones intestinorum humanorum.

A. Portiuncula Intestini Jejuni inflati, & post exsiccationem aperti, ut juga, valvulae conniventes dicta, in conspectum Prodirent.

B. Portiones Intestini Coli & Ilei cum integro Cœco & Processu vermiciformi, nec non ea mesocoli parte, quae propria est Processui vermiciformi, idque ex foetu jamjam in lucem edito. Per eam plurimae visuntur dispersae Arteriolae, cereâ materiâ rubrâ infarctae, quarum extremitates adeo sunt numerosae, ut totus Processus Vermiformis summa rubidine sit perfusus.

Hic videndum Intestinum Cœcum in recens natis longe differre ab iis, qui aetate proiectiores sunt. In illis enim hic videmus Cœci diametrum successivè diminui & sic in Processum vermiciformem degenerare. In hisce vero qui adultiores sunt diameter dictus successivè haud diminuitur, sicuti in posterum demonstrabitur in aliis objectis.

C. Portio Intestini Coli ex infante desumpa, cum annexa Mesocoli portione, per quam innumerae repletae Arteriae sunt disseminatae.

D. Intestini Ilei portio, post exsiccationem aperta, cujus Arteriae adeo sunt numerosae, ut silvam representare videantur.

E. Por-



32 THE SAURUS ANATOMICUS.

E. Portio Intestini Coli, cuius ligamenta fuerunt dissoluta ante exsiccationem, ut luculenter appareat Colon crassioris substantiae non esse, quam caetera Intestina: omnemque crassitie differentiam in Colo provenire à ligamentis, & à valvulis Coninventibus dictis.

ARCA TERTIA

Continet duos Renes humanos naturalem magnitudinem excedentes; quibus annexuntur Arteria Magna & Vena Cava. Naturae lusu dicti Renes praediti sunt Arteria Renali supernumeraria.

- A. A. Arteriae Renales.
- B. B. Arteriae Renales supernumerariae.
- C. Arteriae magnae truncus sub Diaphragmate abscissus, materia cerea rubra repletus.
- D. Venae Cavae truncus sub Diaphragmate abscissus, albâ repletus.
- E. E. Rami Iliaci Venosi.
- F. F. Rami Iliaci Arteriosi.
- G. Arteria Mesenterica inferior.
- H. Arteria Mesenterica superior.
- I. Arteria Caeliaca.
- K. Vena Renalis sinistra, naturae lusu circa ramificationem Venae Cavae in ramos Iliacos, oriunda.
- L. Vena Renalis dextra, debito loco orta.
- M. Vena spermatica sinistra, è Vena Renali prodiens.
- N. Vena spermatica dextra, è Vena Renali dextra, ut & Venae cavae trunco oriunda.
- O. O. Ureteres serpentino cursu reptantes.

ARCULA QUARTA

Instructa aliquot minutissimis Muscis ut & exuvii seu pelliculis Nymphaeum, è quibus Muscae exclusae sunt. hae autem Nymphae per vias urinarias, simul cum urina expulsæ sunt.

Nempe nobilis quidam Vir, questus aliquo tempore de pruritu in Perinaeo, & molesta urinae excretione, Chirurgum, & paucos

THE SAURUS ANATOMICUS. 33

cos post dies me quoque accersi jussit. Urinam invenimus non admodum saburrofam, sed particulis exiguis oblongo-ro-tundis, granula mentientibus, permixtam.

Hicce visis, petii ab aegro, ut mihi liceret aliquot ex iis in capsula domum auferre, ulterius perscrutandi causâ, id quod concessit. Cum autem altero die capsulam aperirem, reperi eam Muscis innumeris, ut & pelliculis, è quibus erant exclusae, refertam. Attonitus hicce phaenomenis, microscopium in auxilium adhibui, & sic distinctè reperi, dictas particulas nil aliud fuisse quam Nymphas, quae produxerant hasce Muscas: omnes autem Muscae per capsam dispersae vivebant, & non nullae volabant, quas inter una, pelliculae seu exuvio adhuc adhaerens, omnem dubitandi ansam mihi adimebat. Vid. Tab. 3. Fig. 5. Lit. A. ut & Lit. B. Microscopio adhibito factam, C. & D. denotant pelliculas seu exuvias, oculis inermibus visas.

Dixerit forsan aliquis, unde tales Nymphae in perinaeo, & quidem in collo Vesicae, ubi haerebant ante excretionem.

Resp. Cum ductus urinarius via sit satis patula, haud necessarium esse existimo, ad alias, minus aptas, confugere vias.

Per hanc viam verosimile est vermiculos minutissimos insensibiliter intrasse, & circa Vesicae collum haesisse, donec Nympharum formam adepti sunt. Cum hanc historiam Viro, Nobili prosapia oriundo, referrem, regerebat mihi, sese hoc non solum quoque expertum fuisse in proprio corpore, verum etiam tale quid olim vidisse in Urina cujusdam mulieris. Non absconum mihi videretur credere, hocce affectu homines corripi in latrinis sedentes, praesertim si diutius solito ibi manserint, idque certis temporibus, cum tales vermiculi graßantur, id quod forte raro contingit, ideoque rarissime hic affectus occurrit.

TAB. 3. EXPLICATIO.

FIG. I. Racemum Dentium, ex Ovario muliebri desumptum, denotat.

A. *Dens Caninus.*

B. *Dens Molaris.*

C. *Racemi portio, in qua caeteri Dentes adhuc sunt inclusi, sine ulla eorum denudatione.*

E

D. Por-

34 THESAURUS ANATOMICUS.

D. Portio membranae crassae, in qua Dentes partim adhuc sunt inclusi, partim denudati.

FIG. 2. Eosdem Dentes repraesentat, ab altero latere vi-
fos, cum exigua portione dictae membranae crassae.

A. Dens Caninus.

B. Dens Molaris.

C. D. Partes inferiores, seu radices non perfectae, neque ca-
vae, ast solidissima & ossea, aut lapidea substantia praeditae.

FIG. 3. Exhibit portionem pectoris, sc. costas, ut & Mus-
culos aliquot intercostales, cum suis Arteriis intercostalibus ex-
terioribus, idque ex infante.

A. Costae abscessae.

B. Musculi intercostales.

C. Arteriae intercostales, exteriores à me dictae, non solum per
costarum limbum superiore, verùm etiam inferiorem, reptan-
tes. Hae autem originem ducunt, non immediate ex Arteriae
magnae trunco, neque ex mammariis Arteriis internis, ast ve-
rò, rami intercostales interiores, dictas exteriores producunt.

FIG. 4. Linguam pueri, parte inferiore visa, denotat.

A. Integumentum Linguae membranoso, propter inversionem
crassis representatum.

B. Arteriae sublinguales, quarum ramuli numerosissimi, ar-
buscularum, foliis carentium, silvulam representant.

FIG. 5. Muscas, ut & Nymphaeum pelliculas repraesentat.

A. Musca exigua, cum ejus adhaerente pellicula, è qua exclusa
est musca.

B. Eadem, per microscopium visa & sculpta.

C. Duæ pelliculae sibi invicem cohaerentes, è quibus muscae sunt
exclusae.

D. Pellicula seorsum videnda.

TAB. 4. EXPLANATIO.

A. Portio cutis uberis.

B. Papilla uberis.

C. Papillae cutaneae Papillae uberis extra cutem prominentes
& oculis inermibus luculenter visibles, in hoc objecto aliquan-
to majores expressae.

D. Cavitas in Papillae extremitate.

FIG. 2.



FIG. 2. Ductum lactiferum communem uberis Balaenae designat, in quem caeteri omnes concurrentes, lac suum depo-
nunt; estque ille ductus plurimis sulcis sulcatus.

FIG. 3. Cernitur portio Piae matris foetus jamjam nati, quae adeò tenuis ac tenera in illa ætate, ut Telae aranearum tenuitatem ac teneritatem ferè superet.

Notandum interim, vasa sanguinea, tam numerosa esse dis-
persa per dictam membranam, ut ad Piae matris existentiam Vasa sanguinea plus conferre videantur, quam residuum mem-
branosum, utpote praecipue destinatum. ut dicta vasa suo in
loco detineant, ne confundantur.

FIG. 4. Proponitur Papilla uberis mulieris, cum annexa areola.

- A. Portio Areolae, Epidermide carens, unde albicat Areola.
- B. Portio Areolae, cuius Epidermis haud ablata, unde subni-
gra apparet.
- C. Foramina seu oscula ductuum lactiferorum in Papilla uberis:
visibilia.
- D. Papillæ cutaneæ in uberis papilla, ut & in Areola nonnihil
prominentes, & microscopii ope hic loci magis, quam alibi in
cute visibles; unde Papillæ uberis, Epidermide privatae,
atrociores excitant dolores, quam quidem in caeteris corporis
partibus, ubi Papillæ cutaneæ minus extra cutem pro-
pullulant. Hinc etiam fissuræ, excoriations &c. in uberis
Papillis difficilioris sunt curationis. Contrà, Papillis ube-
ris benè constitutis, nec Epidermide privatis, major excitatur
pruritus & voluptas nutricibus ab infantibus lacentibus,
ob continuum motum & pressionem Papillam tempore suctio-
nis; non autem, si extra Papillam mammam noctu arripiant
infantes.

FIG. 5. Delineatur portio Papillæ uberis Balaenae, cuius lactiferus Ductus sulcatus & fimbriatus.

FIG. 6. Proponitur figura Linguae cum Epiglottide, per
cujus aream dispersae innumerae Papillæ, quae guttus proximum
organum funt.

- A. Lingua.
- B. Papilla Fungorum exiguorum formâ, inter quas innumerae
visuntur dispersae Papillæ arcuatae. Has microscopio visas,
naturali magnitudine maiores delineari curavi à latere hujus.

36 THESAURUS ANATOMICUS.

Linguae, sub iis, quae in acumen exeunt, quarum Iconismum hic quoque adjeci, quandoquidem saepissime eas acuminatas offendit.

C. Papillarum majorum series, quae planae, rotundae, variis foraminibus aut oculis minutissimis, circuloque praeditae.

D. Epiglottis variis Glandulis obsita.

E. Papillae majores ad Linguae radicem sub Epiglottide constitae.

FIG. 7. Ostenditur portio uberis Balaenae, cuius Epidermis, ut & Corpus reticulare Malpighii, nondum sunt ablata, quamobrem extra cutem non propullulant Papillae cutaneae.

FIG. 8. Offertur portiuncula Papillae uberis Balaenae, cum suis Papillis cutaneis dissolutis, à qua portio corporis reticularis, innumeris foraminibus pertusa, dependet.

A. Corpus reticulare.

B. Papillae cutaneae dissolutae.

FIG. 9. Repraesentat portionem Papillae uberis Balaenae, cuius Papillae cutaneae à me dissolutae sunt in aqua simplici, id est, singulae Papillae ex multis fibris nervosis constitutae quidem sunt, sed penicilli humectati in modum hic à se invicem recesserunt fibrae, pilos prae ferentes.

Notandum interim, in dicta dissolutione nullam vim à me esse adhibitam: nam solummodo utrumque integumentum, quibus cutis obducta est, abstuleram. Hoc experimentum confirmare videtur, Papillas cutaneas constare ex Nervorum extremitatibus, quandoquidem Nervi quoque ex innumeris fibris sunt compositi, qui in extremo Papillas cutaneas constituant. In homine autem hanc dissolutionem Papillarum cutanearum nunquam peragere potui, utpote fibris sibi invicem firmius cohaerentibus.

A latere sinistro hujus dictae figurae reperiuntur aliquot Papillae cutaneae non dissolutae, quae in mucronem exeunt.

F I N I S.

Taf. 1






G. Huguet.

ad vivim Sculpt.





ad brevium fuit



Thes. 1.





Fig. 3.



TAB. 3.





Fig. 5.




C. Huyberts, ad ritum sculp;





Thes. I.

TAB. 4.



C. Huyberts. ad vivum.
sculpt.



s

59737

AB 59737

X2666 810

Sc 428 4









FREDERICI RUY SCHII

Anatomiae & Botanices Professoris

T H E S A U R U S
ANATOMICUS
P R I M U S.

Cum Figuris æneis.



A M S T E L O D A M I,

Apud J A N S S O N I O - W A E S B E R G I O S.
M. D. C. C. XXI.

Farbkarte #13

